

靈巖山人詩集

靈巖山人詩集目錄

第七卷 古今體詩

蓮池吟草

昭陽作噩

客中雜詩四首

葺屋

整書

疊石

種蘭

呈院長張鳳岡敘先生

春曉

臨漪亭

遊郎山

百花嶼

詠物二首同周徵君園穆 大樞作

木筆

苔錢

金太守質夫 文淳 先生索題蘇晉逃禪圖

代書一百韻寄劔飛延青 澐 兩弟

九盡

煖

廉將軍廟

春盡日寄吳門同社友

新綠滿庭漫成一首

一榻

號國夫人早朝圖同張吾山郝元作

還家夢

燭花十二韻

夏夜

晝長

夏日旅舍遣懷

敬題楊忠愍公二疏手稿卷後

消夏雜詩四首

題梅花道人漁父圖卷

秋懷一首寄山中故人

牆上蒿

路旁草

陌上花

澗底松

秋來

雨過

秋榜將放觸景有作二首

閱癸酉登科錄有感

古詩二十二首

和寶田舅氏詠物四首

竹牀

紙帳

菊枕

蘆花被

秋日思歸作

夜靜

靈巖山人詩集卷七

鎮洋畢沅秋帆

一字
纒
衛

蓮池吟草

昭陽作噩

客中雜詩四首

葺屋

客遊保陽蕭然逆旅來省舅氏棲蹤蓮渚講堂東偏斗室
環堵瓦墮于椽欄敲于廡壁長邪蒿階生宿莽上露星月
旁穿雀鼠貫錢鳩工綢繆牖戶白紙黏窗青苔剝礎節過
落燈祥占喜雨簾幙閒開花竹楚楚新燕一雙明月三五
職思其居爰得我所有客信信于時語語辨論異同上下

今古黃柳抽絲暗縈羈縶四不出門風雨寒暑

整書

行篋隨身古簡爛漫客裏流光迅於飛彈自我出門星紀
倏換束書不觀卷帙錯亂迴繹慈訓丁寧耳畔奮翮雲程
究心雪案遊學學廢思之顏汗爰分甲乙班就部按鸞縹
雅騷鳥跡秦漢藜火宵分脉望驚竄芝匣瓊籤悉仍舊貫
注釋蟲魚誼敦羔雁六籍精腴冥索得半乃藝芸香乃褰
羅幔短檠熒熒自晚達旦幽庭曉春一花紅綻

疊石

寂歷銀塘灣環樓閣樹翳長蘿庭堆敗蘗有石塵埋偃臥
牆腳雨痕斑斑苔色漠漠乃命僕夫出之叢薄位置高低

躑躅相度小有玲瓏不勞穿鑿凸若熏鑪凹如筆格幽雲
將生倦鶴有託遙認煖蹲隱疑龍攫拜逢米顛記有蘇鶚
日夕捲簾臨風獨酌醉夢故山宛經岞嶸硯石雲峯眼前
忽落何必匡廬何必嵩霍自謂過之一邱一壑

種蘭

有客有客來自幽谷清晨叩扉貽蘭一束愜予素心喜溢
矚目筠筐露滋亟呼童僕荷鍤庭隅載翦載斲土破輕紅
苔翻嫩綠半畝泉分三春雨足培護得宜生意易復左帶
奇石右連脩竹不矜國香殊遠塵俗當門誰鋤初佩汝獨
如晤高人襟懷清穆如佳子弟神采靜肅楚騷一篇玉琴
一曲春波悠悠香泉馥馥澧露湘煙在我板屋

呈院長張鳳岡敘先生

鶴骨孤支碩果身光風噓拂杖頭春從遊爲篤師門誼授
粲還因母黨親上座傳燈須此日名山付鉢定何人漢儒
自有專家學願向遺經一問津

春曉

更鼓嚴城恰罷過披衣起漱隔宵茶小樓酒醒聞春雨古
几瓶乾落曉花才薄不堪圖作佛枕孤容易夢還家推窻
爲辨陰晴色驚去庭柯獨宿鴉

臨漪亭

東風拂雞水平碧琉璃鋪紅亭翼其上四面鉤欄扶我來
清苑春正初交交鳥勸提葫蘆新晴放遊屐景物堪嬉娛

山桃枝枝照水底彷彿鐵網生珊瑚縣碕俯沙觜蒙茸石
髮麤不見垂綸叟踈翅蹲鳧雛遠山了了碧天末翠黛新
畫傾城姝一雙輕盈掠紫燕數尺撥刺跳銀魚浪痕圓動
處青錢疊五銖雲影乍開合清暉時有無幽森深我濠濮
想曠遠宛對瀟湘圖坐久渾忘日欲晡委波人影工描摹
不衫不履誠狂奴得非六月披裘徒繪像雲臺有異乎一
笑此君乃是吾他日東歸歸故廬繞牆萬箇栽絲筵半船
明月半牀書春波一綠盡五湖

遊耶山

巉巖青塞空卓立城西北日日初升色射六街赤我來
躡丹梯彎環春徑窄白雲對面生意似阻游客猛進數里

餘曾無物扞格回望經行處紛紛類雪積入雲我不知過
我雲無迹由來我與雲不以形骸隔倚策聽流泉小坐據
礪石的礫水晶珠大小迸崑隙其下無底潭黯湛影深黑
未審自何年生此凌霜柏壁面走長根青銅一千尺始訝
蟄蛟形將起待霹靂谷幽氣陰森卓午煙冪歷風捲磬聲
來喜近釋氏宅捫蘿踰絕磴遙見茶煙白長橋橫清谿一
鶴守短柵枯禪出相迎齋堂暫憩息偃簾竹葉垂照席榴
花埒古鼎焚梅檀素屏圖水墨引登藏經樓奇觀欣創獲
縣厓秀鐵花萬仞勢崩劣只恐日月輪過此亦傾仄全無
鳥雀喧但聞巖溜滴俯視坡陀橫彷彿露鯨額石髮太古
生鬚鬢茁紺碧上方剛下春人間應已夕僧勸客且留藤

牀頗便適殿角鐘魚沈簷牙星斗逼屋曠心怛怛境幽夜
寂寂隔窻山鬼聲帷燈淡無色

百花嶼

一雨遠山綠平湖春水盈趁茲豔陽日提壺花嶼行未至
一里餘撲面香風迎居人數十家終年地不耕世業習花
事會無粟米徵果實利頗饒衣食有餘羸兒孫羅目前涼
燠闕恩情不須文字識自鮮憂患起居衆香國笑語紅
羅亭歲時暨伏臘雞黍樂昇平卽此是仙源詎用羨蓬瀛
我來獨延佇遠近倉庚鳴晴絲萬丈長空際相纏縈怪底
蜂虻鬧樹樹堆繁英英繁香爛漫豔豔丹霞生丹霞生不
已散爲紅雨零境佳思小酌一飲累十觥醉任玉山頽坡

陀藉草青身眠錦繡谷夢落芙蓉城城中何所有香霧花
冥冥深宮十二樓璀璨鋪瑤瑛日麗雙鴛幔風播九子鈴
紛紜羣仙集爭前問姓名因之作高會當筵百戲呈玉鼎
麒麟脯金匙芍藥羹白虎使鼓瑟蒼龍令吹笙譜我咏梅
句三疊成新聲曲奏未及闕津津衆口稱謂子具仙骨宜
授內景經行之果無倦指日升天庭語畢各散去鸞輅猶
雷轟倏然驚睡覺花杪夕陽明

詠物二首同周微君園穆

大樞作

木筆

數朶橫斜樣可誇紅輕粉膩映窻紗一般落處驚風雨自
是江淹夢裏花

苔錢

著雨莓苔綴小錢
春紅秋紫日田田
客囊久已憐羞澀
偏向閒階作意圓

金太守質夫

文淳

先生索題蘇晉逃禪圖

飲中已成仙興至圖作佛
乃知慧業人仙佛能兼一
畫工識此意繪出散花室
一几一蒲團和南屈雙膝
不知誦何經只見書數帙
果能了真源字亦無用物
我思摹以歸置向獅子窟
紅羅繡作旛碧玉琢爲鉢
舉家盡飯依六時求解脫
非是望燈傳亦不祈捧喝
但先學飲酒酒可換凡骨

代書一百韻寄劔飛延青

溧

兩弟

花正爭紅鳥亂呼
清和天氣憶姑蘇
幾時決計言歸也
昨夜

夜酣眠夢友于自小未曾離匝月致書因爾遣長鬢米珠
薪桂仍勞母馬殆車煩獨笑吾諸妹定應加長矣先生仍
在舊居無

謂王大容先生菴

傳家架上書千弓逸品樓中畫一廚悉

有署名題字在每懷塵沍蠹傷虞晴窗小曩兼堪賞淨案
閒緜亦足娛視膳慈闈憑冢婦磨門陋巷督奚奴尊彝小
閣休教徙松菊閒庭莫令枯才術勉成當代冠學錢知有
隔年租克繇厥構爲佳耳不實於苗有矣夫誰道勞人終
草草試看良士總瞿瞿好將經濟乘嘉會直上扶搖紹遠
圖予仲好修恒佩蕙生平習靜厭撈菰辛勤學惕窺斑豹
迅速時驚過隙駒聞說草元常守白最憐究易數研朱驚
才共許鴈鸚賦物羣推鄭鷓鴣論史三長多創獲工吟

七步未能踰煙霞結癖催遊屐筆墨閒情尙守株季也春
雲矜雅度宛如秋水湛清臚空靈自是花爲骨皎潔分明
玉琢軀已解力爭千古上未難目下十行俱橫經北面真

名士

謂毛紫
滄先生

鼓篋西京舊學徒漢世更生稱碩學晉時虞喜

目醇儒文壇貫蝨標正鵠藝苑雕龍示楷模容易春風榮
棧樸等閒化雨敏蒲蘆兼資不待金鍼度異質寧愁玉尺
拘爾輩毋爲宋國楮枵然恐類魏王瓠搜求怪牒兼仙籙
日夕裁蕉復截蒲崇讓本承家所尙持躬頌以聖爲謨未
妨雲夢吞胸次貴奉箴銘置座隅餘慶善將徵大有久要
信在叶中孚才人慧業皆成佛上士靈飛豈藉符一一崑
岡呈琪璧雙雙武庫現銀鋸豈惟衛虎名爭長且與袁羊

轡並驅經世尙期他日共賞心遙羨此時殊翠鬢座上來
羣岫碧水門前接五湖幾陣暮雲寒食雨數聲春樹曉城
烏尋芳定過花間寺賭酒應過竹下壚謝女絮飄千戶柳
沈郎錢散六街榆方塘萍滿魚遺子曲院風柔燕引雛種
柿沙坪平似掌亞藤蘇徑滑于酥湖山幾輩攜尊賞閨閣
何人鬪草輸半郭半村通畫舸不寒不煖試羅襦銀絲下
箸尊羹美玉版堆盤筍脯腴一吮翠煙黃蛺蝶滿園紅雨
綠蘼蕪水亭風榭家家畫豔曲清詞字字珠花十八方呈
楚舞月三五好聽吳歛每當歡醺虞賓散爲赴佳招叱馭
趨前歲記同江郭住閒房相對綺筵鋪拈闌隸事逢春宴
揮麈談文坐日晡小本書函裝翡翠交枝筆格琢珊瑚貯

香瓷盆冰紋裂倚檻雲根鶴椽臞鳳跼綠沈儲酒榼螭蟠
碧慮插花盂疏簾清簟眠方起淨几明窻墨待濡新火一
椀茶鼎沸橫山六扇畫屏紆有時逐隊撈魚婢出郭徵朋
看鼠姑古寺隔溪深且靜小廳銜磴僻而迂交加蒲劔抽
三尺歷亂荷錢疊五銖月皎皎時題寶箠雨昏昏夜賭龍
觚錦鞵走試平原騎珠箔寒逢狹路殊窄袖短衣爭射雉
紅糲絳蠟競呼盧昔時歡笑心難忘一別家園歲再徂冷
炙殘梧渾累日曲籬平沼似荒區陰陰老屋瀟瀟雨漠漠
寒莎策策梧檐角未明號鴟鳴庭心乍晚網蜘蛛樵蘇尙
賴征裘典奔走先防老僕痛遠寺暮煙鐘隱隱嚴城落日
角嗚嗚紅糲腐久逢官糶苦酒灰多趁市酤麥餅藜羹充

晚膳山蔥冰酪當朝舖趙衰日出恒愁烈庾亮塵高每易
汗賓至最嫌誇顯宦夢遊先自怯長途山凹水曲無青草
村落邱樊少絳村異地樓遲詩亦減芳辰宴樂事全辜潤
車輻輳填周道銅鼓匄匄跳女巫小紙書名惟答客八方
聞語總含黏自來射策輕摩揣縱不逢時恥覬覦倦翼依
依何所託青年寂寂信非夫空存壯志思投筆浪有雄心
慕棄繻才富敢言齊司去聲馬文駢曾得授令狐眼前孰
是移暄手渡口希登濟海桴只恐凌雲屯骨相終教顧影
歎頭顱良工儻荷洪鑪鑄美玉原期善價沽難耐恒飢成
曼倩劇憐屢哭類唐衢竹頭木屑庸當貯馬勃牛溲竟不
須好樂無荒真達者倚閭而望曷歸乎千頭橘熟仍堪賣

三徑茅荒擬自誅底事平居鄉號鄭任從深隱谷名愚將
將菰米供晨夕製就荷衣好曳婁林下況多桑椹拾花前
兼可板輿扶靜呈絕俗琴三疊共進忘憂酒一壺蔥蒨壽
蕙宜宴喜檀欒慈竹足怡愉鴿原迭和心相得雁序聯飛
影未孤共被那知霜信緊對牀翻愛雨聲麤消閒自有棊
書畫作計誰分魏蜀吳訪友乘同觸月舫聯吟對共博山
鑪事俱得已歸原好秋以爲期誓不誣子路出雖求負米
季鷹言豈爲思鱸作書報與同胞道好盼西風水驛鱸

九盡

春催九九盡北地尙寒留未撤銅鑪火仍披翠羽裘青含
榆莢菁紅逗杏梢頭且待光風轉春郊作勝遊

煖

眨眼春分近天晴景漸融
冰消半池綠花亞一簾紅
曲室初離火高軒不畏風
何當招石友覓醉大隄東

廉將軍廟

巍巍廟貌臨流水松徑陰凝
蘚痕紫豐碑半截脫龜趺事
迹依稀規舊史嘗論將軍戰
伐功慣能知己兼知彼請看
長平相距時隙無可抵惟堅
壘一朝趙括代臨戎數十萬
兵同日死扶顛振弱濟艱辛
五城且割燕人矣後王豈識
丕承難棄置勲臣同敝屣致
令讒慝肆陰謀私擲黃金售
哆侈可惜雄心思用人妄云
頃刻三遺矢一隊秦師走晉
陽繭絲保障消如燬輪與叢
祠千載存繡旗石馬春光裏

牲酒村農祭賽回
紙錢灰燼風吹起

春盡日寄吳門同社友

傷春復傷別我亦杜司勳
落日一尊酒開窗萬竹雲湖山
不礙夢花鳥助成文何事羈京洛
終年隔見聞

新綠滿庭漫成一首

鶴影裴回日影遲
一庭新綠一簾垂
小窻便當雲深處
幽徑渾疑雨到時
花盡香從空裏得
風停涼自靜中知
燕窠已就蜂衙歇
淨几攤書分外宜

一榻

牆東一榻自安排
長日悄悄靜掩齋
看畫捲簾閒坐好
裁詩敲枕小眠佳
偶逢明月生清興
暫至涼風得暢懷
漸覺

年來疎嬾慣不堪拘束此形骸

號國夫人早朝圖同張吾山 郝元作

三春花夾長隄路銀蟾欲落雞聲度紗燈一隊爛生光
溟濛十里成紅霧玉鞍金鐙珊瑚鞭八姨手控青連錢
翩若驚鴻迅飛燕意濃態遠疑神仙爾時新妝何所有
蛾眉淡掃鬢雙黝翠微鬣葉繡羅襦婀娜羣誇好身手
須臾曙色上采恩萬戶千門啟鑰時鳥語春融穿樹早
鐘聲風定出花遲明光宮中敲羯鼓罷朝且事霓裳舞
曲江已見謫海南何人更進回天語芙蓉園畔花萼樓
五家衛從豔春遊遺鈿墮舄滿行路懽娛那管宮梧秋
老妍一激漁陽變賊破潼關血洗箭苔痕已蝕合歡堂
蛛絲更罨長生殿麗人

玉貌冷丹青淒絕香魂殉亂兵遙知秋雨陳倉道猶認銅
龍曉漏聲

還家夢

長日費消磨古鼎香初燼敲枕北窻眠松風時一陣吹夢
歷闕河居然獲歸覲慈母頗愉悅一一行蹤問問兒胡遽
歸何日孤帆進昨接汝舅書云爾極勤奮經術漸湛深文
筆益遒峻我意殊欣慰祖業庶重振兼之新婦賢良淑復
恭順母語尙未終兩弟趨問訊諸妹聞兄還廚中具良醞
戚友聞我還少長集遠近各各寒暄罷酬酢忘繁紊退歸
就書室花竹饒幽韻鄰雞不作美好夢忽驚斷起步石欄
前小池孤月印

燭花十二韻

虛館夜迢迢流輝絳蠟燒奇葩含寸草並蒂結長條煥爛
紅綃簇晶瑩紫玉雕盤螭呈麗藻鑄鳳擢芳標淡綠煙縈
繞輕紅影動搖蜨生從未識蛾羨數相撩星點思分巧芝
形欲鬪嬌來賓占詰且聞喜卜何朝豔豈闕春好開非藉
土饒金蓮奚自撤銀粟禁人挑默坐憑文案防風掩綺寮
與誰矜意藥四照燦珠杓

夏夜

露砌百蟲喧追涼幔盡掀輕風不滿竹好月恰當軒弄笛
調新曲吟詩愛冷言所憐同社友明日曳歸轅

晝長

處暑熱微減閒居晝自長試殘香數種書罷字千行蟬噪
喧槐國魚沈伏荇塘夜分眠較早枕簟有新涼

夏日旅舍遣懷

高槐古屋夏相宜卷幔閒看日影移止飲偏逢花下酒送
歸多屬客中詩敢言經世饒奇策須識觀書有極思百畝
水田千畝竹故山曾與白雲期

庭柯又聽亂蟬鳴便有離懷一種生遂返也應防觸熱此
來原不爲求名安能松鶴身同暇儻向雲山夢自清早晚
歸帆挂煙水承歡一慰倚閭情

敬題楊忠愍公二疏手稿卷後

神燈黯慘靈旗掣虛堂鬼哭聲淒絕破牘孤忠手蹟存模

黏一片萋宏血前明中葉魁柄移社狐城鼠紛恬嬉容城
先生鐵爲骨隻手欲將九鼎支咸寧武夫不足齒竊位喜
功開馬市一擊不中九死瀕謫戍邊城作典史鈴山老奸
梟獍儔弁髦國是多陰謀手提堂印屈丹筆濟惡更有嚴
東樓再起擊賊賊膽裂一劍欲剗元兇骨頸血宵飛天地
驚常山之舌涇陽笏騎箕披髮訴天閻眼見宵人兆亂亡
三綱難作山河色兩表空爭日月光公承絕學通音律樂
苑精微親紹述影斷飛鴻市碎琴歌傳鳴鳳冠衝髮手擊
登聞觸怒雷天高中懶力難迴當年恨失鳴冤表轉眼滄
桑付劫灰凜然遺像懸堂壁折檻手裁儼親覲義膽忠肝
紙上橫一字辛酸血一滴同時冤獄痛張經浩氣長留炳

日星字挾風霜文斧鉞千秋輝映簡編青

消夏雜詩四首

繙書常寂寂對影自閒閒只爲慵延客非因愛閉關新移
數箇竹更疊小重山惟與清風約披帷任往還

晴窗閒潑墨小景傲雲林荷雨催蓬艇松風寫玉琴幽情
閒外得涼意靜中生內熱原無病寧愁毒暑侵

前年消夏去縱棹太湖行舴艋衝雲處菰蒲作雨聲拍天
銀浪冷開鏡玉蓮明何似移家住漁竿寄此生

陣陣引清颼匡牀傍小池鵲聲占月上螢過認星移懶詠
燈常滅貪涼睡獨遲短章吟表夏聊爾和微之

題梅花道人漁父圖卷

碧江斷處青山補楓葉蘆花通潑浦水雲曲曲著漁舟半
幅蒲帆一枝艣大者如鳧小如葉潮落潮生靡定所撒網
垂綸態各殊錯認天隨我與汝一家眷屬聚一船那知人
世別離牽眼前風浪掀天起任爾披蓑帶月眼前者鳴榔
後鼓棹得魚換米亦換錢老瓦盆傾梅花白一醉直到羲
皇前波濤出沒如平地東西南北如人意水流花落天地
間得魚失魚尋常事幾折青林帶斷橋漁莊路隔小村遙
簑笠挂門人上市荒寒景色太無聊蓴羹鱸膾正肥美歸
與帆待秋風駛夜半孤篷聽雨聲夢迴一片吳淞水仲圭
寫圖妙入神那知我亦畫中人高歌一曲漁家傲嬾向滄
溟下釣綸

秋懷二首寄山中故人

宋玉逢秋自鮮歡平原風捲葉聲乾空潭落照魚鉤穩遠
浦殘雲鷺影寒覓句最宜逢好月懷人切莫倚危闌小山
叢桂應招隱秋館空營十笏寬

牆上蒿

牆上蒿甚微細偷承雨露恩巧作憑依計謂從壁上觀卽
據凌雲勢浮生博浮榮終須踐實地欣欣方自誇得意主
人已刈當門蕙

路傍草

路旁草綠交加千萬里逐行車應是古來思婦淚化作碧
血周天涯轍迹所經思蔽遮但得輪生角兮馬僵足袍青

永伴裙腰絲

陌上花

陌上花紅簇簇千枝萬朶
琢香玉黃蜂上下勤紫燕往來
熟車馬勞勞東復西奔馳
名利罕游目春光輸與畫樓人
盡日鉤簾看不足

澗底松

澗底松勢鬱盤託根一何下
乃在深壑間後有峴嶽巋
之峻嶺前臨犇遯碣突之驚湍
煙霏露潤秀色可餐游人
二三月登嶺恣盤桓不識歲寒
質但從足底看

秋來

池上秋初到羅衫漸不勝
重尋訪勝屐稍近讀書鐙
歸客

頻相引還家獨未能閒吟白蘋句羨殺柳吳興

雨過

曉雨催殘夢秋容滿石堂池荷敲黯綠庭桂浥新香陡覺
琴書潤兼增几簟涼登車怕泥濘卻笑客程忙

時將應
試入都

秋榜將放觸景有作二首

鯉魚風緊雁來初依舊青袍草色如下筆敢期千古業出
山須讀十年書儻令全樹皆相借未必長安不易居只是
白頭慈母在故鄉吾亦愛吾廬

有藥能令手不龜封侯避統總前因少來不欲當人惠到
處何妨率我真終覺鷄鵠厭鐘鼓敢期鵬鷲出風塵湖田
百畝莊三畝誓與梅花作比鄰

閱癸酉登科錄有感

瓊樓愴恍記遊仙，小謫人間夢又圓。
丹桂露溥叨一第，白楊雨冷隔三年。
羽儀鴻漸占初吉，燈火雞鳴感舊緣。
遙喜萱堂看暫展，簷前靈鵲好音傳。

沉蒙先祖交鍾愛最篤親爲督課期望甚切今甫沒三載幸舉秋闈不及一見

思之曷勝感痛

古詩二十二首

叢蘭鬱幽壑，騷人充佩纒。豈免采擷苦，識是王者香。
盈盈樓上女，灼灼有輝光。雕籠閉鸚鵡，文窻隱鳳凰。
不出中門限，誰能知短長。

黃鳥鳴交交，嘉樹榮上春。下有窮居子，傷哉長苦貧。
簞瓢甘此水，白壁葆此身。渭水坐垂釣，會稽行負薪。
當其未遇

時曾是漁樵人人生偶然爾遭逢安足論

邊風吹蕭條落日照古臺高登一展眺燕鶯縱橫來山川
莽迴互陳事滿蒿萊而笑續紛子方欲游九垓浮梁下滎
澤躍馬登岨岬身事卒無就風塵良可哀

嘉客滿四座韓娥發清音歡宴未終曲忽焉涕沾襟曼聲
有遷變哀樂存人心懷貴不惟故憤賤豈在今田文自多
淚何必雍門琴

結髮事君子琴瑟兩和諧私願及百年終遂平生懷如何
中棄置乃受外疑猜妾身在深闈安知所從來悠悠蒼天
心下意杳難推思君美無度反覆空裘回願回金鑪火暖
妾未死灰

驅車出門去曠野莽茫茫極望無所見元陰蔽重岡荒途
斷行人悲風出枯桑邱墓何累累云是古北邙上有荆棘
生下有狐貍藏榮耀一朝盡遺業故不長安事遠行役咄
嗟令心傷

桓桓李將軍歸臥南山陽功高棄弗用醉尉訶其旁涼風
颯然來中夜起慨慷怒馬爲長嘶寶刀相和鳴李蔡爾何
物安可一概量

燕趙有佳人顏色如西施不喜時世妝椎髻著布衣東家
誇細腰西鄰鬪蛾眉青春逐花落安保芳華滋豈不望軒
車媒氏議少諧求賢慕高義此意誰知之

子房旣亡命受書黃石公佐漢爲帝師辟穀從赤松誰與

朱泚子千金學屠龍技成無所試安問拙與工知足故不
辱適用乃有功遐哉魯仲連卻敵談笑中逍遙海上遊聯
璽不受封

月光照茅屋幽賞足平生富貴衆所欲吾生豈逃名顧知
不可求百慮靡一撻昔聞桃都山仙樹敷紅英海日乍揚
光天雞始發聲下觀人間世笑語如蒼蠅營營亦何爲貴
用適我情稱心安蹇退非是薄世榮

長安有好女名字爲金蘭容華耀朝日被服素與紈文窗
理絲竹繡戶工吹彈一彈再三歎天地泠泠寒曲高無卑
響調古少新歡寂寞璿闈裏知音良獨難

鳳凰從東來一顧一裴回竹花不結實梧桐委蒿萊嗷嗷

忍朝飢噉噉過吹臺悲鳴歷三湘毛羽自摧頽斥鷃對之
笑鷓鴣亦見猜苦心事無成宜爲衆兆咍

石門正西豁渺渺河波濶晚靄緣谿花蒙茸翳泉葛神龍
抱元珠揚鬢吐漉沫一寸蠓蟣心欲取枯魚活窮冬互陰
寒涸轍逼楚越踰蹉蹉無寧蹤哀吟動天末

出門望古道落日去蒼茫微風吹逝波杳渺接大荒前行
畏岐路徙倚空徬徨懷人情未已倦遊神已傷不如雲中
雁來往任翱翔

復育升高樹黃鵠伏籠中超然鳴得意反笑伏者窮一朝
秋節至抱葉吟悲風安望垂天翼翱翔遊太空

苦瓠若懸癭宜瓢亦宜笙笙以和雅音瓢以供酌烹我爲

苦瓠謀任力莫任聲薦勞劔鼎間自足資養生物賤終反
貴吹萬豈其情

英英芙蓉鏘斫斷生蛟犀飛來著胸臆起舞天爲低沈埋
無所用精彩終不移龍光燭巖谷龍氣凌雲霓誰能佩此
刀位與三公齊

燕鼠生梧臺宋人以爲寶葉公稱好龍見之驚欲倒嗟嗟
競虛名立身苦不早挾策負盛年亡羊歎衰老白日去如
馳茫茫思遠道

拳石五彩色產自荆山陽抱璞不自炫身價寧可量日月
爲祕室天地作瑤房波流互迴旋雲漢成文章惜哉宇宙
間靈秀空蘊藏

南國如花女雜佩鳴鏘鏘朝看陌上花暮採陌上桑春風
理刀尺製服成文章貴爲王者用染采生輝光幽蘭被脩
阪芙蓉冒寒塘十年貞不字婉變有餘芳何似銀漢女朝
朝怨七襄

天地來清風不扇惡木陰梧桐生嶧陽羞附千花林上枝
拂霄漢下枝摩蒼岑良工取直幹制作龍脣琴軫以崑岡
玉徽以荆南金七絃一再鼓鳳凰揚和音太息鍾期去山
高流水深

莫奏別離曲故鄉山正綠莫歌行路難當軒酒方闌酒闌
人已散山色渺天畔思君上高樓辛苦無人見驚飆日夕
殘幽谷芬芳蘭不惜別離苦所傷行路難

和寶田舅詠物四首

竹牀

誰截湘筠成短榻
交文局脚巧雕刻
移來消夏香猶碧
身到凌雲夢已寒
化蝶好穿千畝去
棲鸞真得一枝安
吳僧好事貽佳物
角簟剛符八尺寬

紙帳

翡翠芙蓉何足云
親裁寢具覓羅紋
蟾宮枕榻圍明月
瓊室神仙護白雲
霜氣風聲俱不到
曙光夜色竟無分
銷金帳底酣歌客
似此清幽未許聞

菊枕

采采秋英裹碧綃
曲屏短榻晚香浮
便教南墅多歸夢

余家

東有南園明王
文肅公種菊處

真是東籬可臥遊白髮無從添鬢上黃金長
得在牀頭北窗昔日陶彭澤也解高眠製此不

蘆花被

何事蘆花也自收吳綾表裏作輕稠香侵蝴蝶三更夢雲
覆鴛鴦一段秋睡聽西風嫌冷落去辭南浦老溫柔顧名
忽觸前賢事失朝緣渠泣道周

秋日思歸作

行將歸去較蟲魚江上先人有弊廬半閣秋聲初到竹一
簾花影獨攤書池塘碧水雲相似元白清詞玉不如座上
漁樵窻上月有教良夜酒尊虛

夜靜

竹榻人初寐銅荷燭已銷穿窻一點月別院數聲簫秋思
忽而動睡鄉因亦遣生憎風磴外新種有芭蕉

無錫門人楊芳燦編校

靈巖山人詩集卷七

靈巖山人詩集目錄

第八卷 / 古今體詩

蓮池吟草

戲擬十二辰詩

五雜組八章

爲姚念慈題寒香小影畫冊三首

橐駝吟

蟋蟀篇

寄家書

曉起

金井

銀河

客夜

晚歸蓮池作

枕上聽雨

沈吟

寫意

那能

有寄

九月十四夜蓮花池玩月作

病馬行爲寶田舅氏作呈方制府問庭

觀承先

生

早鴉

送友入秦

秋夜聞雁

葛洪山

上清宮

登天風臺放歌

倒馬關

演雅

有序

雨夜

冬夜書事有寄

寒衾

詠物二首

雪燈

雪美人

寒甚

圍居圖爲周明府讓谷

天度作

冬夜詠懷

閑逢闌茂

西樓夜

東樓曉

黃雀行

慈烏引

春燕曲

雁飛操

玉河春柳詞四首

心迹

摩訶庵

遊法源寺看海棠卽題僧房壁

春雨十韻

新陰十韻

自遣

燕昭王廟

易水行

高漸離故居

龍迹山

雷溪

打麥詞

古意

書懷別吾山

春闈被放謁外大父張笠亭

之頊

先生於天雄

書院

靈巖山人詩集卷八

鎮洋畢沅秋帆

一字穰蘅

蓮池吟草

戲擬十二辰詩

聚書怒類拖薑鼠賣劍買牛耕
白雨千古要途如履虎狡
兔三窟終何補才名莫羨居龍頭
畫蛇添足徒貽羞早知
白馬投清流羚羊挂角何處求
猴刺棘端誰所見蠅聲雞
鳴空自眩浮雲蒼狗從多變
且割花豬作春宴

五雜組八章

五雜組鞦韆索往復還巖城
柝不得已屠門嚼
五雜組梵字旃往復還子母錢
不得已待風船

五雜組舞衣篋往復還官渡楫不得已乞米帖
五雜組繡牀絨往復還隨陽鴻不得已簿下風
五雜組文綺席往復還海潮汝不得已女三索
五雜組新嫁衣往復還燕子飛不得已夢當歸
五雜組流蘇纈往復還巾車轍不得已新婚別
五雜組車前旌往復還巡邏鉦不得已推酒聲

爲姚念慈題寒香小影畫冊三首

冷香浥浥隱紗窗一片清愁未肯降記得山園春雪夜畫
屏銀燭影無雙

落落心情誰與偕松筠爲伴月爲儕最憐客散燈昏後一
榻蒼煙閉冷齋

香草化爲文廿五小山遠似月初三藥鑪經卷清齋罷徐
下疎簾話石潭

橐駝吟

平沙莽莽石犂塢一片孤城數聲角明駝三五隨羌兒朔
風凜冽皮皴剝不給吳鹽力易孱夕陽衰草影如山昇平
屯堡道遙甚盡日羶廬臥對閒形容見慣無人怪不復猜
疑馬腫背有時負水向渾河驚起飛鴻橫紫塞

蟋蟀篇

古樹橫塘帶平圃荒籬蟲咽豆花雨貧女驚秋思悄然臨
窗入夜鳴機杼軋軋聲連唧唧聲人定江村尙未停幽脩
慘切無窮語似與寒閨訴不平復有儒生樂枯寂當戶垂

簾鐙背壁繩牀棐几破堂中愛聽清音出苔甃月光炯炯
風絲絲秋氣堪悲渾不知觸物撫時佳興發拈豪自註幽
風詩豈識朱門豪貴家枝枝絳蠟籠紅紗到處林亭捕深
夜海棠蹴損湖山花歸貯餞金盆子裏矜奇詡異難窮擬
黃金得失判悲歡只待么磨一啟齒

寄家書

忽逢駟使吳門去紅紙頻裁墨屢磨筆到下時言易盡封
當緘後事仍多報儂無恙雖非急問母平安慎莫譌儻見
故山諸舊雨爲詢幾度訪巖阿

曉起

漏聲纔定寺鐘撞燈燄猶明隔夜釭風引桂香來曉院日

搖潭影入秋窗畫翻舊譜偏增趣曲度新詞未合腔應有
故人遺尺素檐牙靈鵲語雙雙

金井

修綆輓轡盤紅亭覆石欄不隨時冷暖有學海波瀾也識
源流遠何憂汲引難銀牀花影暗玉甃薜痕寬各有天星
應功參卦象看情深誰得似到底作團圓

銀河

輕雲捲碧羅畫閣界秋河極望盈盈水分明淡淡波只教
織女隔難禁海槎過鵲到橋梁合榆栽星宿多湔袞曾有
約渡韞慎無他一樣人間世紅牆隔桂柯

客夜

客裏驚宵柝聲聲訴寂寥酒爲無俚伴月是可憐宵露蘇
蟲吟急風篔鳥夢搖從前故鄉住會未怯愁撩

晚歸蓮池作

送客還家已夕陽沈吟閒坐水西堂月和鐙影當圓牖人
與花陰共一牀歸計難成空悵望春詞新就暗評量青年
未合林泉隱嬾問神仙辟穀方

枕上聽雨

鐘沈角斷夜迢迢雨滴寒階正寂寥一樣愁人眠不得何
曾窗外有芭蕉

沈吟

莫更悲歌行路難閒身何處不相安倦懷每倩茶香破妄

想聊憑鵲語寬苔徑偶行疑履濕花陰久立覺衣單沈吟
擬賦尋秋句漸見斜陽上石闌

寫意

微願蒼蒼可畀予水村沙墅賦閒居清江一曲三層閣脩
竹千竿萬卷書客到但知談澗藥齋期時得擷園蔬弟兄
無故慈親健歲歲花前捧板輿

那能

那能事事有奇緣自哂無端妄想牽花落風仍吹上樹月
沈雲更擁登天青年已過潛來復好夢初闌更接連儻得
悉令如我願呼龍璠圃且耕煙

有寄

橫塘春水碧于油，莫對垂楊憶遠遊。
放燕窗開金屈膝，拗花人墜玉搔頭。
多情易惹芳時恨，有夢翻增獨夜愁。
欲問天涯行客處，四山明月一層樓。

九月十四夜蓮花池玩月作

坐深忽訝薄絲輕，近水軒窗夜氣生。
梧落已飛千片碧，月佳猶欠一分明。
淡交到處人情好，懷母頻宵旅夢驚。
池上芙蓉秋漸老，霜天怕聽擣衣聲。

病馬行爲寶田舅氏作呈方制府問庭觀承先生

天馬何年來冀北，病餘損卻桃花色。
酸嘶無復紫遊纒，悵望猶懷多寶勒。
可憐虎口骨槎枒，沙苑茫茫首蓓花。
紅絲尾掉秋風脆，沛艾毛翻暮雨斜。
憶昔千金詔，聲價玉鞍金

鐙香羅帕逐日追風如等閒獅子龍孫此其亞霧鬣風騁
翦拭勻蹀躞連錢驕向人沙平草淺試馳騁紫電一條看
不真未是年多難負馱豆稀蕡短渾飢餓寒雪從教荒曠
行斜陽任向橫門臥儻邀華殿許羈留塞寧愁路阻脩
四蹄會見風雲起八極真堪旦夕周男兒落魄亦如此知
已何當畧跡弛君不見名駒躑駕棄寒槽豈識奔蹏堪萬
里

早鴻

樓前初落月屋後是疎桐盡作辭枝勢猶疑墜葉風帷鏜
一點燼城鼓五番終致竟緣何事羣噉冷霧中

送友入秦

他鄉同作客，自小卽情親。呼諾憑庚癸，雌雄任甲辰。胡牀
移對月，蠻榼挈尋春。今日秦關去，臨岐暗愴神。

秋夜聞雁

殘燈背壁定，昏初潘岳中。年歎索居月，落起塞虛幌。望天
涯，恐有故人書。

一鉤殘月落山城，去度吳天第幾程。莫向小紅樓畔喚有
人，孤枕夢初成。

葛洪山

一痕飛鳥外，巒嶂青重沓。聞昔有真靈，金汞秘瑤篋。向往
生道心，丹梯思仰躡。蕩滌塵衲，靈骨試單袷。紆迴入雲
門，兩厓喬木合。綠陰如瓦厚，蒼蘚透鞵濕。初無雨腳垂，何

處聲靈靈山腰值紅亭小憩展湘筵俯眺衆峯巔箇箇散
螺甲白雲湧其間銀濤流月缺坐訝煙林西鐘響時鞿轄
奔泉十萬丈削壁玉虹搭直下赴靈潭垂首恣呀呬稍升
境益奇苔蹊不受屐怪樹作橋橫崩厓當頂壓欲上蛟獠
愁思過鷹隼怯數折抵平石罡風長獵獵崑廣深于堂中
有古石榻荷錢歲月深茵毳翠雲疊小榻無名氏字類換
鶯帖紙墨惜未搗剔蘇一幕揚其旁白雲洞石扉雙扇闔
相傳住六丁司守蛟龍匣秘貯真形圖兼之不死法儻能
獲此者永超恒劫東行百餘步松磴尤峭狹云下有茯苓
苓甲子歷千匝常化蟠蠋遊巖壑善超躑蒸服卽長生試
歸借花鋪再上爲中崑縹緲凌空插藹藹青霞光直與閒

闕接捫蘿若登躋星辰手可捻

上清宮

爰尋青瑤局飛磴盤空小列嶂犬牙錯線徑羊腸繞遊客
與白雲爭出喬木杪平地望上方臺榭悉了了及至造殿
巔棟宇忽幽窅數折轉丹崖萬竿攢綠篠白晝不逢人深
谷惟唳鳥沿籬二三里松門藏窸窣落盡林禽花徑鋪紅
碼礧山童如鶴長竹帚和煙掃登堂見道侶問訊俱垂老
未審操何術髮白顏美好因乞長生方含笑頭屢掉自述
入山來僻處見聞少纕衣僅取溫糲食但期飽此外無欣
羨于中罕膠擾雖能談十洲曾不夢三島予聞倏恍然葆
真壽克保成橋公遠杖如瓜安期棗術士浮夸詞荒誕難

稽考起巡廊廡行樹古勢敲倒磔砢賸空腔中有寄生草
腰搯奇礪石大比數栲栳分明畫生成寫影在庭沼風來
金鐸喧香過珠幢裏簾密鐙昏昏神威堂悄悄更登殿西
樓檐角出雲表縱目凭危欄天晴極絲眇恒嶽鉢孟覆渾
河衣帶繚暝色不能到夜深仍皎晶假榻樓東偏境清夢
魂杳日上巳三竿人間猶未曉

登天風臺放歌

我登天風臺眺望襟懷開荒甸盡邊蒼昊了滄沱春水遙
穿亂山斷處捲地奔騰來赤日當空大徑丈紅輪疾輾隱
隱疑輕雷剛氣去地四千里堅如道路堪踐履便爾乘之
汗漫遊往看蓬萊清淺水因與羣仙集紫房指揮如意細

論長生方雲鳳香鑪青玉案海山屏障黃金牀更上蟠木
島和煙擷瑤草非徒凡骨可輕身欲令羣生俱壽考小住
西池王母家紅雲萬樹開桃花由來恰值羣仙會桂醕流
霞棗似瓜珠鐙繡幕陳絲竹酒酣落筆揮成三十六闕春
日游仙曲譜入樂府中宮商調初熟一奏風泠泠再奏霧
冥冥鸞鶴翔舞魚龍出聽山石迸裂天爲驚羣神奏諸帝
帝親勘其事備覽聯珠刻玉詞屢稱才合神仙吏青琳閣
宇近宸居敕與星官作直廬珥筆修文萬萬古歲朝長獻
太平書

倒馬關

癡雲鬱鬱鎖叢樹萬嶺千峯盤驛路鐵門互其閒陽鳥不

能度四月氣猶寒
厓霜尚未殘
坦途無十步
真覺馬行難
古月三五夜
滄海飛冰團
白豪冷森森
先射漢時關
闕樓縹緲俯空積
凭闌一望頭
堪白星斗垂
芒風滿天沙
上寒煙如水積
萬里莽茫茫
前朝舊戰場
膏血年深凝
作石髓體日久
吹成霜
老梟叫嘯
雄狐跳梁
鬼火聚廢堡
淡綠移螢光
不識今非昔
仍來望故鄉
青年只謂客
游樂走向窮
邊探遠畧
豈知景物斷
人魂急歸逆
旅謀杯杓
一點燈數聲
柝孤館幸無
眠眠愁夢亦
惡

演雅有序

從張鳳岡先生處假得山谷集中有演雅一章愛其
意新格創因擬作此詩非欲學步前人聊作劄記而

已

青鸞善歌鳳善舞鶴鴿知雪鶴知雨
輪垂錦綬彰五采蛙鳴鼓吹陳兩部
交足蒼蠅類絞繩舉臂螳螂能奮斧
縊女自經究何因蠨蛸好負不辭苦
鵬爲閒客雀嘉賓鷺堪警鬼雞司晨
螺羸負蟲祝類我雙羿飛矢還射人
燕燕銜泥避戊巳蝠生匿影知庚申
出水石尤風正壯營巢太乙鵲所向
音叶絲桐寶鞫通字飽神仙成脈望
呼婦逐婦陰晴鳩療妒誰知黃粟留
爪甲莫教訓狐拾魂魄宜防姑獲收
蚊睫焦明渾不見蝸角觸蠻恒苦戰
蛇以眼聽蟬脅鳴蠶云馬化鴛鼠變
風春雨確驗醯雞淬劍塗刀貴鷓鴣
畏人可笑縮似蝟拌飲何妨醉似泥
鵬究何凶鷺何吉鴉能厭

火蜂釀蜜嚮蟲在握路不迷啄木書符蠹自出桑扈淺白
爲竊脂蛇傷守宮解作醫丸轉蜣螂技止此文成蚪蚪疇
則知子子水中任直曲鬼車九首蚘百足銜石精衛思填
海延壁蝸牛行戴屋布穀吐蚤鷓吐蟲鶴脛難斷鳧難續
得過且過號寒蟲好淫鴿每雌乘雄雨虎雪蛆費格致伯
勞姑惡紛異同東坡云姑惡水鳥通雅云卽伯勞雲際飛鳴告天子守瓜護田
誰主使嬾婦巧女名堪憎慈烏義鶻人皆喜怪哉曾經託
諷諭吉了亦復工興比鵬將運海徙天池振翮扶搖九萬
里

雨夜

更鼓濕無準嚴城小市東樓扃松影裏夢冷雨聲中蟲語

一何苦篝燈更不紅欲眠頻枕手風葉打窗櫳

冬夜書事有寄

斷雁聲酸客思增將殘未滅背屏鐙霜飛小閣人初夢月
過寒池水有冰癡類虎頭惟我甚飲如犀首更誰能所欣
不負臨岐約春入吳淞鱖可罾

寒衾

最是空房夜寒衾暗愴神和衣敲半爨温語憶前春剔燭
慵抽手假鑪小側身雪兼風並橫形與影相親白豹非無
褥青熊亦有茵由來鴛被意不暖獨眠人

詠物二首

雪燈

虛室涼招滕六魂清輝昱昱月初昏珠擎四照春無影玉
盃雙規夜有痕孤冷自成光更潔相煎雖急性還存孫康
故事何人繼苦憶蕭齋慘不溫

雪美人

本是層霄淪謫身一生冷面最難親是空是色誰真悟爲
雨爲雲有夙因忽訝相逢來月姊可憐不字欠冰人溫柔
鄉裏知無分寬褪腰圍每怯春

寒甚

作勢天將雪濃雲不計層風聲四野急酒價一城增未暝
雞爭桀離鑪硯已冰夜眠僮僕懶百喚不曾應

園居圖爲周明府讓谷

天度作

沙徑草芘芘青林半畝宮日升千嶂外門閉百花中雞犬
有仙意簞瓢含古風幽人無姓字自號鹿皮翁

冬夜詠懷

老樹塵風策策聲書樓夜靜景淒清曲屏小榻回孤夢明
月荒城打二更人爲驟寒生酒病友因遠別散詩盟此身
未是無歸處數稜湖田廢不耕

闕逢閣茂

西樓夜

漏轉春城悄紅闌出木杪指澀琴音沈衾寒香夢少簾風
驚睡鴝花露滴棲鳥聞鐘寐未成燈燼屏山曉

東樓曉

不眠愁脈脈倚枕思家客酒醒知夜長月到憐窗窄安得
餐霞人假我凌霄翮飛歸花杪樓曉檻五湖白

黃雀行

三五小黃雀交交還趙趙纔聞下階除復見集籬落青竹
枝翛翛紫苔花漠漠翻身趁阜螽俛首啄渠螾容易腹果
然相與物咸若飛來雙鶴何昂藏睥睨黃口深鄙薄一舉
上青松再舉凌虛霸天衢曠宕雖致身雲路虛無難著脚
浩浩罡風隔海山濛濛寒霧迷城郭始悔慕壯圖輕舉向
寥廓不如莽蒼間安穩易栖託作書謝嘉賓羨爾野田樂

慈烏引

烏生八九子乃在厓樹巔覓粒哺黃口往返時翩翩辛勤

毛羽瘁未忍中棄捐豈欲博恩義惟覺天性然寒鴟歲暮
苦無食側腦林端暗來逼野狸巖腹育數豕飢緣枝葉欲
相賊老烏晝夜守孤巢衆雛待飼聲嗷嗷我謂爾烏無爲
自苦三足棲日中亦屬爾儔侶胡不改圖軒然高舉白榆
歷歷夾銀河一枝若借應相許

春燕曲

春社後杏花時雙紫燕羽差池不是層城無處飛君家庭
院有花枝朱樓畫閣連雲起來往營巢春色裏曉露紅銜
香徑泥午風綠掠芳塘水辛勤數子喜將成歲序堪憐轉
眼更數聲細雨投何處一種閒愁語不清驟煖深閨人意
嬾綺窗了烏開常晚呢喃故故繞羅屏驚醒香衾夢長短

雁飛操

露苔露漸溥入樹風初勁乍見塞鴻飛已知寒氣盛寒氣
森森逼畫樓塞鴻點點下蘆洲不少忘機鷗鷺侶未能絕
意稻梁謀稻梁足處禍機伏霜鏃雲羅徧林谷莫近平原
古戍翔好依沙渚煙汀宿煙汀沙渚帶滄江上有苔磯下
蘚缸菰米凌波常簇簇陽鱗出穴每雙雙無端忽動關山
思嘹唳數聲俱遠逝羣鷺風雨振翰來橫絕雲霄一行字

玉河春柳詞四首

玉河冰泮水冷冷楊柳千株傍淺汀畢竟九天春到早百
花朝已黛痕青

萬縷千條望欲迷東風無力翠煙低紅橋紫閣迴環處引

出 宮鷲不住嘯

滴露拖煙長短條
春星原自列瓊霄
臨流盡日從眠起
不似風塵慣折腰

離恨無因到大羅
不須更唱渭城歌
鱗鱗漾影銀潢水
流向人間總綠波

心迹

孤萍無定著心迹
更誰如爛漫聞花信
平安接母書一拳
松檻石數尾瓦盆魚
門外塵如海安身即逸居

摩訶庵

雙屐恣幽尋
淹留般若林
自吟題竹句
聊誌惜花心

聞舊有杏

樹花時極繁
今已無矣

鶴砦椒坪上
龍旛石磴陰
夕陽催客去
清磬暮

煙深

遊法源寺看海棠卽題僧房壁

枯禪參豔色花氣晝冥冥竹閣茶煙綠松窗燈火青客因
碁局靜佛仗磬聲靈莫浪擎紅燭枝頭夢未醒

東坡詩海
棠真一夢

春雨十韻

昨宵雲黯黮今日雨廉纖便覺庭苔變旋看徑草霑輕寒
侵畫閣薄暝上湘簾門巷時聞屐茶煙濕罨檐青歸榆樹
甲紅動杏花尖吹浪魚應喜栖梁燕獨嫌浮埃消硯席餘
潤透香篔刻漏疑新減冬衣想更添頓令碁友阻倍益野
蔬話無計消岑寂霜豪著句拈

新陰十韻

物候逢初夏清陰到處同酒旗仍在望花事已成空乍訝
禽巢失遙疑野徑窮江村惟隱耀山郭便迷濛鬱鬱池邊
柳愔愔井上桐益滋幽草綠倍顯小闌紅燕影模黏裏鶯
聲黯澹中曙常遲繡闥暝易上珠櫳漸苦難通月猶欣不
礙風長吟題竹所也算碧紗籠

自遣

才人命屬九天君雙眼徒誇有綠筋自昔終南羞捷徑如
今冀北笑空羣堆牀永叔歸田錄黏壁羲之誓墓文空負
故園花柳約風閒聊作住山雲

紅闥不戀戀天涯妄想銀河許泛槎鮑老當場原足笑婉
兒持稱可無差空勞庭長科名草不愛屏圍富貴花卻憶

洞庭春雨足碧蘿瓷瓊品新茶

燕昭王廟

曲徑轉長坡喬松鬱古廟莓苔秋雨餘階墀冷斜照後人
慕英風伏臘致清醮我來俯仰兩楹間龜兆縱橫塋拜輒
蟲網緣紗幔燕泥落石筵巡廊讀銘碣往事悉羅列一片
思賢心亙古昭如揭回首黃金臺羣才安在哉中興勲業
渺無迹惟見湯湯易水遠逐蕭颯寒風來流連憑弔浩然
舒嘯宇宙茫茫懷抱焉告方今

至聖垂衣裳驂躡充內廡俊髦集明堂卽有夏駕馬跡弛
士無不立修名致千里苜蓿花開上苑中麒麟閣聳層霄
裏以視駿馬之骨霸者之才卑卑寧足齒

易水行

忠孝風漓局一變七首有靈俠士見日暮高歌易水行荆
卿雖死今猶生能使長虹貫白日能以頸血濺秦庭燕丹
質秦得返國須臾聊丐殘魂魄烏頭馬角事如何蠶食鯨
吞事彌仄虜韓王虜趙王王翦畧地燕南疆風馳電掣勢
莫當秦兵旦暮渡易水鑪炭鴻毛事如此田樊自刎非徒
爾荆卿卽行亦一死荆卿不行負知己風蕭蕭兮易水波
漸離擊筑荆卿歌登車而去柰秦何腐儒論古乏遠識歸
罪燕丹未爲得燕秦事勢已了然豈有刀砧赦魚鱗吁嗟
乎荆卿一去燕立亡荆卿不去燕亦亡屠龍不得喪龍魄
副車銅柱聲琅琅荆卿談笑死易水流湯湯至今沙平水

嗚咽二館荒城愁霧壓秋空木落劍氣飛陰風慘澹秦時
月秦時月照漢時關二世興亡轉瞬間束手但知迎軼道
子嬰那得比燕丹

高漸離故居

小圃約疏籬方塘帶衰柳門外一旗飄荒村人賣酒數間
板屋枕幽墟云是燕市酒徒之故廬里人欽風增整葺香
火年時常不虛我緣愛清景小立空庭靜拚葉綠一廊蘚
花紅半井緬想并吞時祖龍亦屢危荆軻七首力士椎中
間一筩尤出奇義士貴行其志耳事成不成非所知自古
誰無死藉以雪國恥身喪名長留炯炯垂青史迄今來往
人指點談遺址日暮故城東獵獵多寒風易水聲嗚咽猶

雲居山詩集卷八
如恨未窮君不見咸陽宮殿成焦土破瓦殘垣竄蒼鼠
禾稼新登場圃閒碌碡苔青臥秋雨

龍迹山

連峯塞青冥荒途穿犖嶮屨盡松毛鉤衣多石角飛磴
盤千層蒼蒨亞苦竹中休得神祠小立望幽谷蘿深一鳥
無水怒兩厓蹙其下有靈淵虯龍所潛伏不知是何年爲
霖出巖腹濃雲猶未興足爪偶排蹠石上挈攬痕歷歷見
遺躅每值天陰時鼻尚餘鯉觸若當炎旱候官吏遣巫祝
幣玉致虔忱澄波攜一掬舂蠶不崇朝甘澍必需足境靈
生敬心語言未敢黷曲徑二三里爰抵山西麓厓洞如車
輪欲進仍畏縮敲石取新火束薪代巨燭黏衣蒼莓苔撲

面白蝙蝠隘過倏平坦沈沈類古屋誰曾於此居短榻鑿
青玉參差鐘乳垂大小雪芝簇蜿蜒蛇蛻皮偃蹇龜留殼
方碣似題名蘚侵難卒讀西穴黝且深白雲湧如醖下疑
通太陰冷逼體生粟稍北穴獨高石屏鐵環束相傳住魁
堆職專守璫櫝丹篆赤紋符備載列仙錄偶從屏隙窺似
有物蹠跼股栗心怵怵急走脛偏縮出險日已晡暝煙罨
林木歸鞍首重回幾疊雲鬟綠

雷溪

閒遊向林徇景物尙和融幽崑堆慘綠秋樹呈愁紅信步
緣長阪煙村境忽窮晴天無片雲何處奔靈霞飛流赴巨
壑形如白玉龍雜以冥冥霧兼之浩浩風蜿蜒十萬丈一

氣排羣峯勢欲挾碕岸悉與相朝宗峽角橫牛首雲根伏
雨工砒砒盡西向不許洪濤東崩湍駭逸處震怒聲洶洶
晝夜無休息憑陵各競雄乍疑霹靂斧劈破水晶宮霏珠
與屑玉亂濺隨驚濤又疑星宿海上與天河通銀沙光的
爍瀉落涼雲中又疑涇陽涘龍戰揮絳襜萬枝白羽箭仰
弩攢清空波底馮夷鼓鼓勇椎逢逢奔溜所磔錯厓隙爲
窘礧鷗鷺不敢近魚鼈安能容如聽鈞天樂巨杵鏗洪鐘
驚魂更盪魄三日耳猶聾沿流四五里氣勢稍悠溶回灘
蕭瑟荻峭壁颺颺松鳧鷺共唼喋魴鯉羣噉嚼浪花翻日
彩水木光瓏璵鈞磯枕沙背漠漠蒼苔封清颺薄靄裏羨
殺垂綸翁極浦暮山好含煙積翠重微波遠如定倒影碧

芙蓉權歌添一葉不異泛吳淞

打麥詞

荒村小姑髮垂額手把竹枷聲拍拍云是今年苦雨多收
得區區幾斗麥昨日割麥今日打麥催科在門飢不及食
大姑回頭語小姑縣吏下來酒緡無汝飢汝餓汝勿呼阿
爺責逋骨髓枯

古意

良金備五色發自葛天盧國工精鍊之疊石支紅鑪童子
二百人鼓橐鐵乃濡器成稱上制厥名爲辟閭錯以荆山
玉綴以驪龍珠託靈復寄氣出匣驚風胡昔充哲王佩指
揮澂九區胡然中棄捐淪落歸市屠齷齪雜塵滓朝朝事

剖劖不遇張公子何時繼遠圖

書懷別吾山

管領春風筆一枝長吟莫恨探花遲
漂蓬短褐秋風客剪燭寒窗夜雨詩
無賴綠楊橋上別難留青鬢鏡中知
著書此日應須惜或有名山虛左時

春闈被放謁外大父張笠亭

之頊

先生於天雄書

院

放懷飽看日邊春漫笑儒衣解誤身
桂樹慣招纓蕙客桃花空戲捕魚人
一邱一壑鄰香國三起三眠漾麴塵
只爲倚閭懸望眼遠遊不及在家貧

母氏心懸鬢髮皤丁寧問訊近如何
高年眠食須珍重舊

稿詩文急網羅寸草春暉心未報輕輿秋興樂還多石湖
老屋今無恙急挂歸帆趁綠波

秋水瞳神老鶴姿八旬那藉杖藜支加餐曉進青精飯好

古閒模碧落碑

先生最工漢隸

垂白談詩尊老宿研朱註易作經師

元亭面面荷花滿一鏡紅雲罩墨池

日下羣公倒屣迎交推宅相繼清聲廣筵有客垂青眼孤
調無絃寫紫瓊對鏡自憐年最少測蠡終恐學難成未知
他日何無忌能否堪符似舅名

近謁都門諸老各宿俱荷獎掖有似舅之譽

無錫門人楊揆編校

靈巖山人詩集卷八